

2 YOHANES

Yohanes Eto Kukue Nuəfə

¹ Kukue komfo etsyi mi bafokanɔfɔ eto dit-syukpa eto uninə ɔflo kutə fə usio wə Onanto diləkə útə wə əsuə ku wə bebi ba maala tinti. Enni mɔ maate laala mi, bomu ku mba tā nyi ɔnukuale eto ditiki nəmə laala mi sitinti. ² Itsyise ɔnukuale eto ditiki nəmə eyi bo lə əsuə nya diokə lə bo isu ese manlo.

³ Boanto Onanto əmə ku Yesu Kristo, Anto eto Ubi əmə lə bənə bo kafo nya lə bənyə bo kaminsə, bətə bo diyuə, bo mba laala bo bətsyuə lə ɔnukuale nəmə əsuə.

Bitəkəko Kristo Eto Asatete Kama.

⁴ Iyifo mɛ disuəyuə tinti se mɪnyə miə fə bebi bətsyuə si nkpə lə ɔnukuale əmə əsuə fe kase Anto əmə letɔ utsyiko bo ɔflo. ⁵ Mmə eso minlə kukue komfo bɔwɔni katsyese mi, Ambe Ububutidi, bə bola bətsyuə. Nyamfo enni kɔfi fɔfɔ minlə bɔwɔni kətə mi, bomu iyifo kɔfi ko bófo itsyi taa kasɔ ketsyikokɔ ke. ⁶ Lelabi eto asa nnya minlə mi bɔtɛyi ni nkə ele bə buyifo lə Onanto eto kɔfi əsuə. Nya kɔfi komfo, fe kase mible kenke lenɔ idu taa kasɔ ketsyikokɔ ni bənkə, mible siə lelabi əsuə ku mi bətsyuə.

⁷ Betidi ba laawɛ betidi kpə ébɔbɔ batsyilama kawunsiə. Mə ni betidi ba laatɛyi bənkə Yesu Kristo məmbə kawunsiə mfo fe utidinini seka. Nwə laawɛ betidi əmə, eyifo Kristo eto olo.

⁸ Nyaso bebe mi əsuə kukɔnɔ bə nnya bekplatsya

bɛnlɛ kusu bobɛ kɛtɛə, manya, bomu bɛ lɛ binyɛ nnya kayofofɔ ka lɛflɔ.

⁹ Utsyuə saa ke dɪmanlɛ Kristo eto asatete nyamə lɛ kɔni bomu ɔtɛ asa bambaa, Onanto ensiko wə. Fɛɛ utsyuə saa ke lɛlɛ Kristo eto asatete lɛ kɔni, Anto əmɛ ku Ubi əmɛ tsya si ko wə. ¹⁰ Nyamfo esoo, lɛ utsyuə əbɛ mi ɔflɔ nya ɔnnlɛ asateete nyamfo lɛ kɔnii, biamfo wə lɛ mi ayo, nya biəntə wə diyuə eto edufə. ¹¹ Itsyise utsyuə saa wə lofo wə utə wə diyuə eto edufəə, éyifo ani ku wə lɛ wə asa buayifoyifo əsuə.

Yohanes Ákla Mə.

¹² Nkpe asa kpe nya ele bɛ ntɛyi mi, fɛɛ manla miə lɛ nwɔni nya lɛ kukue əsuə ntsyese mi. Bomu nlɛ kusu bɔbɛbɛ bɛ lɛ mbə mi ɔflɔ lɛ budi etiki ənəmi ku ənəmi butə bətsyuə bɛ lɛ bo disuəyuə nəmɛ lɛ lɛflɔ.

¹³ Fə ɔyimisio wə tsya Onanto dɪlɛkə eto bebi bɛ bəəsiəsə fə kukɔɔ.

**Onanto eto kakle fɔfɔ; Sɛkpɛle
Sekpele: Onanto eto kakle fɔfɔ; Sɛkpɛle New
Testament**

copyright © 2008 Wycliffe Bible Translators, Inc.

Language: (Sekpele)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 28 Sep 2022 from source
files dated 13 Jul 2022

5fc03d2a-3cf8-5607-a6e0-9e1e197140bd